

## ՀԱՇՎԵՏՎՈՒԹՅՈՒՆ

1. **ԱՆՈՒՆԸ ԱԶԳԱՆՈՒՆԸ**

Սուրեն Պապիկյան

2. **ԶԲԱՂԵՑՐԱԾ ՊԱՇՏՈՆԸ**

ՀՀ տարածքային կառավարման և ենթակառուցվածքների նախարար

3. **ԳՈՐԾՈՒՂՄԱՆ ՎԱՅՐԸ/ԺԱՄԿԵՏԸ**

Մոսկվա, Ռուսաստանի Դաշնություն, 2019թ. հոկտեմբերի 2-ից 4-ը

4. **ՀՐԱՎԻՐՈՂ ԿՈՂՄԸ**

ՌԴ էներգետիկայի նախարարություն

5. **ԳՈՐԾՈՒՂՄԱՆ ՆՊԱՏԱԿԸ**

Մասնակցելու «Ռուսաստանյան էներգետիկ շաբաթ» միջազգային համաժողովին

6. **ՔՆՆԱՐԿՎԱԾ ԹԵՄԱՆԵՐԸ**

Քննարկվել են էներգետիկայի բնագավառի մարտահրավերները, զարգացման արդիական խնդիրները:

Պանելային քննարկումներ են կայացել էլեկտրաէներգետիկայի, գազի, նավթ նավթամթերքի, ատոմային էներգետիկայի, էներգախնայողության և էներգարդյունավետության թեմաներով:

7. **ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ**

Ռուսաստանյան էներգետիկ շաբաթի շրջանակներում մասնակցել եմ ՌԴ նախագահ Վ.Պուտինի հետ հատուկ հանդիպմանը: Նշվել է համաժողովի կարևորությունը՝ համաշխարհային էներգետիկ խնդիրները և զարգացման ուղիները քննարկելու նպատակով:

Հանդիպում եմ ունեցել ՌԴ Ռոսատոմ պետական կորպորացիայի գլխավոր տնօրեն Ա. Լիխաչովի հետ: Քննարկվել է ՀԱԷԿ շահագործման ժամկետի երկարացման աշխատանքների հետ կապված ընթացիկ հարցեր:

Հանդիպում եմ ունեցել Իրանի Իսլամական Հանրապետության նավթի նախարար Բ. Զանգանեի հետ: Քննարկվել են գազի և էլեկտրաէներգիայի բնագավառներում Իրանի հետ համատեղ ծրագրերի ընթացքը: Մասնավորապես գազ էլեկտրաէներգիայի դիմաց ծրագրով ծավալների մեծացման հետ կապված հարցեր: Քննարկվել են Իրանի հետ գազի և նավթամթերքների բնագավառում



փոխգործակցությունը ընդլայնելու հարցեր: Երկուստեք պատրաստակամություն է հայտնվել նշված բնագավառներում երկկողմ համագործակցության խորացման նպատակով: Քննարկված հարցերի վերաբերյալ ձեռք բերված պայմանավորվածությունները կդետալացվեն առաջիկայում Իրան կատարելիք իմ այցի ընթացքում:

Հանդիպել են ՌԴ Էներգետիկայի նախարար Ա.Նովակի հետ: Քննարկվել են Էներգետիկայի բնագավառում երկկողմ և բազմակողմ համագործակցության հարցեր: Մասնավորապես՝ կարևորվել է Հյուսիս-Հարավ Էլեկտրաէներգետիկական միջանցք ծրագիրը (Հայաստան-Իրան-Վրաստան-Ռուսաստան) և դրա իրականացման նպատակով անհրաժեշտ աշխատանքների ընթացքը: Պայմանավորվածություն է ձեռք բերվել ներգրավելով նախաձեռնությանը մասնակից մյուս գործընկերներին արագացնել մասնագիտական մակարդակում քննարկումները Հյուսիս-Հարավ Էլեկտրաէներգետիկական միջանցք ծրագրով տեխնիկատնտեսական հիմնավորման մշակման ու տեխնիկական այլ լուծումները վերջնականացնելու նպատակով: Քննարկվել է նաև ԵԱՏՄ ընդհանուր էլեկտրաէներգետիկական շուկայի ձևավորման հետ կապված ընթացիկ հարցեր:

**8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ**

ՀՀ տարածքային կառավարման և ենթակառուցվածքների նախարարի և ՌԴ Էներգետիկայի նախարարի կողմից 2019թ.հոկտեմբերի 4-ին ստորագրվել է «Հայաստանի Հանրապետության կառավարության և Ռուսաստանի Դաշնության կառավարության և միջև Հայաստանի Հանրապետություն բնական գազի, նավթամթերքների և չմշակված բնական ավազանների առաքման ոլորտում համագործակցության վերաբերյալ» 2013 թվականի դեկտեմբերի 2-ի Համաձայնագրում փոփոխություններ կատարելու մասին» Արձանագրությունը:

**9. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ, ՁԵՎԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԿՈՂ ԱՐԴՅՈՒՆՔՆԵՐԸ**

Շարունակել համագործակցությունը բոլոր ուղղություններով ձեռք բերված պայմանավորվածությունների իրականացման նպատակով:

ՀՀ տարածքային կառավարման և ենթակառուցվածքների նախարար

08.10.2019թ.

Ս.Պապիկյան